



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Saxonia || Et || Metropolis || Alberti Crantzii || Historici  
Doctiss. Sacrae || Theologiae & Iuris Canonici Doctoris ||  
celeberrimi, ac Ecclesiae Ham-||burgensis quondam  
Decani**

**Krantz, Albert**

**Coloniae, 1574**

Capvt X.

**urn:nbn:de:hbz:466:1-11453**

fidem habens verbis iussit propius ignem admoueri: Vbi iam stillante plumbeo tecto periculū senserant, extrema experturi, turmatim proruūt, (est vbi dat vires nimius timor) obsidentes inuadunt. Aderāt etiā aliundē Thietmarsius de latibus prodeutes, & iam animū resumētes impugnauēre hostes: interceptosq; ad internecionē deleuerunt. Solus Gerhardus comes, & Henricus de Magnopoli princeps, qui ad signa pro more militiæ agmen tenuerunt, superstites fuēre cum suis: omnis reliqua nobilitas, cum copijs tantis, ad numerum duorum millium intercidit. Gerhardus & Henricus Magnopolensis, cum suo agmine repedarunt tristes. Annus erat vicesimus, & vt alij addunt, secundus, post mille trecentos, cum ea Holsatorum in Thietmarsia fieret ruina.

## CAPVT X.

Obierat per ea tēpora Ericus Slesuici dux, relicto filio Waldemaro, matre nato Gerhardi germana: Qua dere Christophorus rex, quod multi ante eum reges tentauēre, ducatū adunare quārēs coronæ, specie administrationis pro paruulo, arces ducatus cœpit possidere: & ceteris quidē iam in manu regis collocatis, sola Gottorp arx munitissima restabat. Gerhardus comes pro nepote arma sumens, eam tueri aggreditur: Obsedit rex magna suorū manu arcem memoratā. In equino monte (Hesterberg vocāt) castra locauit. Gerhardus vndecūq; contracta auxilia duxit in regē, obsidionē satagēs soluerē. Solebat ille, pugnaturus, imaginē sacratissimæ virginis collo appēsam, circūferre in omnia pericula. Quod nē cui nouū videatur, tradūt Romani scriptores Syllā Dictatorē gestāsse semper in p̄lio statunculā Iouis, aut Apollinis: quā periculoso p̄lio victor exosculans, ait: Penē ego tecū, & tu mecū concidisses Iupiter. Gerhardus igitur



tur hanc imaginem deuotus semper Virgini gestans, per  
fertur cecinisse: Nos hac die tibi gregatos serua virgo.  
Alteram tum in pralio manum imagini ferunt decisam:  
quā nullus denuò poterat aptare artifex: hodieq; mon-  
strant virguncula in Itzeho, memoratam Virginis sta-  
tunculam. Exterior tum Holsatorum habitus, quem pa-  
ludamenti loco praeferebant, in omni exercitu candidus  
erat: quod de longinquo Dani prospicientes, irrisione  
militari notârunt, mulieres in se ducere per cōtemptum  
asserentes. Tum quidam ex ministris Holsatus genere,  
Danis, vt sit, militās: Si benè, inquit, noui Holsatos, sen-  
tiemus non esse fœminas, quæ properant: video collucere  
inter candidas vestes arma fulgentia. Conferunt acri  
pralio manus: & vbi cæsis vtrinque plurimis pertinaciter  
stabant acies in inuicem, Holsati sublato clamore per-  
sonant: Fugiūt, fugiunt Dani, sic formidinem incussuri  
postremis, & profecerunt: Nam fictam fugā in veram,  
concepta formidine, verterūt: Solutaq; est obsidio in die  
illa. Eam verò arcem dux Waldemarus auunculo Ger-  
hardo ex illa die permisit in pignus, pro impensis quas  
absumpsit (expeditio proxima: simul vt in dē tueretur  
ducatū pro viribus. Cū autē Christophorus rex omni-  
um suorum in se odia prouocāssset in regno, ita vt eijcere  
illum conarentur, auertissetq; à se fratrem vterinum Lo-  
hannem & agria comitem, Danorum proceres in regem  
prouocauere comites Holsatiae: qui expeditione institu-  
ta, primam Fionia insulam apprehenderunt: arcē eius  
Nuborg oppugnantes, breui expugnabant. Rex autem  
cernens intus & foris omnia in se ardere conflagran-  
dum, magno ere sumpto, nauigauit in Germaniam: &  
Rostockium applicans, principibus & andalia tunc, vt  
nunc, parentem, cum principibus Magnopolensibus egit,



vt conducto exercitu in Daniam armis reduceretur. Armavit classem, & redijt in regnum. Sed tanta fuit conspirantium manus, vt nihil proficeret: iterumq; armis eiectus est. Tum Dania procures, cōmunicato cum Holsatia comitibus consilio, Waldemarum Sleswici ducem, puerum duodennem regem creauerūt. Is nouus rex, habito in Fionia regni conuentu, Gerhardum comitem auunculum suū creauit pro se ducem Sleswici: Iohanni comiti permisit Lalandiam, Falstria & Cimbriam, insulas minores in regno tres. Gerhardus in arce Lalandia & Wordingborg, militē quendam reperit Germanum: quam arcem solutis quatuor marcharū millibus de manu illius recepit, & donēc solueret summā memoratam, in pignus tradidit arcem Zegeberg: vnde tamen capta breui post tempore eadem arce, per nocturnas insidias est eiectus: Pertinet enim ad districtū Wagria, quā gubernabat paterna successione Iohānes comes antedictus.

## CAPVT XI.

Idem comites Iohannes & Gerhardus, vbi vnū sentire, iunctis armis, regem Dania Christophorum, Iohannis, vt diximus, vterinum fratrem, eō perpulerunt, vt Lubicam descendens, cum eisdem per interpositos amicos transigeret, vtq; illi, acceptis octuaginta millibus argenti marchis, regnum illi permitterent incolume, & pro viribus illi assisterent in rebelles: reddentes terras cum arcibus, quas tenerent: vtq; Waldemarus iunior, quem regem creauere, voluntate Gerhardi, ex cuius arbitrio adolescens totus penderet, in ducatū rediret. Arbitratus rex, si comitum illi accederent, Danorumq; decederet partibus arma, facile se obuiaturum aduersantibus. Et quoniam argentum, quod ex formula promptum appenderet, non erat, dedit comitibus pignus pro